

ХАЛ ҚИЛУВ ҚАРОРИ 2-2-100

2003 йил 16 октябрь

Фарғона шаҳри.

Жиноят ишлари бўйича Фарғона вилоят судининг судьяси И.Нуралиев, Х.Усманованинг котибалигида жиноят ишлари бўйича Риштон туман судининг раиси П.Ю.Умирзақовнинг 2003 йил 12 сентябрь кунги Таджибоева Мўътабар Ибрагимовнага нисбатан маъмурий иш бўйича чиқарган қарордан М.И.Таджибоеванинг норози бўлиб келтирган шикоятига асосан ишни кассация тартибида кўриб чиқиб, қўйидагиларни

АНИКЛАДИМ:

Судьянинг қарорига кўра,

Таджибоева Мўътабар Ибрагимовна, 1962 йил 25 августда Марғилон шаҳрида туғилган, миллати ўзбек, маълумоти ўрта-максус, Ўзбекистон Республикаси фуқароси, оиласи, 1 нафар фарзанди бор, депутат эмас, партиясиз, муқаддам судланмаган, «Ўтюраклар» клуби раҳбари, Марғилон шаҳар, Зухра кўчаси, 31-йй, 31 хонадонда яшайди.

Маъмурий хуқуқбузарлик аломатлари йўқлиги сабабли унга нисбатан Узбекистон Республикаси МЖТКнинг 201-моддаси 1-қисми билан юритилган маъмурий иш харакатдан тугатилган.

М.И.Таджибоева суд қароридан норози бўлиб, ёзган кассация шикоятида биринчи босқич суди иш холатларини тўлиқ текширмасдан, ўзини иштироқисиз ишни кўриб қарор чиқаргани учун бу ноқонуний қарорни бекор қилиб, қалбаки хужжатлар тузган Олтиариқ туман ИИБ раҳбар ходимлари харакатига баҳо бериш учун хусусий ажрим чиқаришни сўраган.

Маъмурий иш материаллари билан танишиб чиқиб, қўйидаги сабабларга кўра, судьянинг қарорини ўзгаришсиз қолдиришни лозим топдим.

Суриштирув органи томонидан М.Таджибоева 2002 йил 14 октябрь куни соат 10 ларда тегишли рухсатнома олмасдан Олтиариқ туман суди биноси олдида намойиш ўюштириш тартибини бузиб, Ўзбекистон Республикаси МЖТКнинг 201-моддаси 1-қисмida қайд этилган хуқуқбузарликни содир этган деб маъмурий баённома тузилган.

Суд мажлисида гувоҳлар М.Казаков ва Р.Мадбоёвлар 2002 йил 14 октябр куни соат 10 ларда М.Таджибоева 10-15 кишидан иборат одамлар билан бирга Олтиариқ туман суди биноси олдида никет ўюштирганлигини, уларнинг қўлларида хокимиёт, суд, прокуратура

хедимларидан норози бўлиб ёзилган плакатлар бўлганлигини айтиб кўрсатма берганилар.

М.Таджибоева ва бошқаларнинг харакатларини кўча юришлари ёки намойишлар уюштириш деб баҳолаб бўлмайди. Уларнинг никет ўтказини, ўзларининг шахсий фикрини кўргазма (плакат) лар ёки бошқа усувларда билдиришлари Ўзбекистон Республикаси МЖТКда маъмурий хуқуқбузарлик деб талқин қилинмаган.

Шу сабабли судья, М.Таджибоеванинг харакатларида Ўзбекистон Республикаси МЖТКнинг 201-моддаси 1-қисмида қайд этилган маъмурий хуқуқбузарлик аломатлари йўқ деб баҳолаб, маъмурий ишни иш юритишдан тугатиб, иш бўйича тўғри қарор чиқарган.

Фуқаро М.Таджибоевани шиқоят аризасида суд иш холатларини тўлиқ текширмасдан, ўзини иштирокисиз қарор чиқарганилиги учун бу ноқонуний қарорни бекор қилиш тўғрисида кўрсатган важи асоссизdir. Чунки, судья М.Таджибоевани судга келтириш барча чораларини кўрган бўлиб, М.Таджибоева хеч қандай сабабсиз суд мажлисига келмаган.

Судья М.И.Таджибоевага нисбатан Ўзбекистон Республикаси МЖТКнинг 201-моддаси 1-қисми билан тўпланган материял бўйича асосли ва тўғри қарор чиқарган бўлиб, ушбу қарорни ўзgartирини ёки уни бекор қилиш учун асослар мавжуд эмас.

Юкоридагиларни инобатга олиб, Ўзбекистон Республикаси МЖТКнинг 321-моддасига биноан,

КАРОР КИЛДИМ:

Жиноят ишлари бўйича Риштон туман судининг 2003 йил 12 сентябрдаги Таджибоева Мўътабар Ибрагимовнага нисбатан чиқарган қарори ўзгаришсиз, М.Таджибоеванинг келтирган шикояти қаноатлантирилмасдан қолдирилсин.

Жиноят ишлари бўйича
Фарғона вилоят судининг судьяси

И.Нуралиев